

明史稿

八

宋欽

三洲耿定王晟

宋欽蒼梧人永樂中舉于鄉入國學除戶部主事進
郎中遷湖廣右叅議正統末王驥復征麓川欽轉餉
有功擢廣東右布政使未幾調江西尋轉湖廣左布
政使欽有吏才所至以廉能稱至是苗寇猖獗偕將
吏悉心經畫寇平遂致仕天順七年冬恭寧侯陳涇
鎮廣西方駐師梧州城與中官朱詳巡按御史吳璘
及監司數人議軍事而大藤峽蠻賊七百人乘夜梯
城而入涇等不之覺比聞倉皇戰慄惟擁兵自衛不
敢出擊賊遂刼副使周璫為質大肆剽掠欽時家居

不忍士民屠毒挺負見賊曉以利害賊怒執之罵賊而死先是正統九年七月處州賊葉宗滿等數百人越境盜銀礦于福安福建叅議竺淵偕都指揮劉海等率衆往禦衆寡不敵淵被執亦罵賊死海被傷歸淵奉化人由進士授刑部主事會礦盜起特擢淵叅議往治之踰年遂被難至十四年春麗水賊陳鑑胡作亂叅議耿定僉事王晟死焉定和州人宣德中由荐辟起家歷官刑部郎中有能譽其以叅議守處州也會鑑胡為寇偕晟及千戶楊清率兵擊之與賊戰于周坦兵敗三人俱死晟鄞城人起家進士事聞淵等贈官有差各蔭一子

况鐘

况鐘字伯律靖安人初為吏給事礼部尚書呂震才
之荐為儀制司主事迁郎中宣德五年用尚書胡濙
荐擢知蘄州府賜筆書乘傳行初視事羣吏抱牘環
立請判鐘陽為不解事者左右顧問吏所欲行止輒
聽人人私喜謂太守愚越三日召詰之曰若謂吾真
不曉事耶某事宜行若碩止我某事宜止若碩欲我
行若革舞文久矣當何罪立取教人撲殺之于是庭
中不寒而栗經歷傳得貪執而送之諸行在他屬吏
奏罷者復教人御史李立以清軍至殘忍驚悍專務

得軍為功同知張徽承其指動以酷刑抑平人為軍
閭閻大擾鐘疏陳其狀請遣官覆勘帝以命巡撫侍
郎成均由是得免者百六十人已編伍止終本身者
千二百四十人屬縣逋賦自元年至四年凡七百六
十餘萬石鐘以民困難徵請量折以鈔雖為部訖所
格然自是頗有蠲減明年丁憂民二千餘人言鐘公
正動能奸弊尽革乞還任詔許起復又明年夏上言
近奉詔書官民田荒蕪者召人佃種官田準民田起
科無人種者除其賦額臣勘得崑山諸縣民以死徙
從軍除籍者凡三萬三千四百餘戶所遺官田召種

應準民田起稅者二千九百八十餘頃應減稅十四萬九千餘石其他官田役海者賦額犹存宜皆如詔書從事臣所領七縣旧著籍三十六萬餘戶秋糧二百七十七萬九千石有奇其中民糧止十五萬三千餘石而官糧乃至二百六十二萬五千餘石輕重不均如此洪武永樂間_雨今屬縣有民糧者出馬二百餘匹役于北方諸驛期三年歲遣還今已三十餘歲矣馬死則補未有休時民何以堪又工部近徵三梭濶布八百匹浙江十一郡止派百匹而蘄州乃派至七百此外不均之甚也乞勅所司並為處置帝感其

言悉報許當是時帝屢詔戒換松重賦于是鍾與巡
撫周忱悉心計畫奏免七十餘萬石民大悅鍾為政
務鋤豪強植良弱利害所當與除不遺餘力嘗置二
簿識民善惡以行勸懲又置通閔勘合簿防出納奸
偽置綱運簿防運夫侵盜置館夫簿防非礼需求綜
理周密簡約易行凡巡撫忱所行善政咸鍾協力成
之所積濟農倉粟歲數十萬石賑荒之外以代民間
雜辦及逋租由是流亡復業下无祲民先是中官使
織造採辦及購花木禽鳥者接踵至蘄咸徵求為民
害縣令動遭捶辱至繫縛郡佐置之水火而衛所將

卒又時、侵虐小民自鐘至振威抗之威不敢肆御
史巡方者多倚勢作威郡守目傾闕冗者至行拜跪
礼鐘以為言宣宗即命禁革已而浙江巡按御史王
璉代還經其地越驛乘舟且多索賄卒鐘率奏之璉
遂下法司鐘雖起刀筆陋好崇李校重文儒卑門寒
士挾片長者多見振瞻有邵亮者獻詩頌鐘、欲荐
之而或為匿名書毀亮鐘曰是欲阻吾荐正速成亮
名耳立奏之朝即召為部司務迂御史其惜才愛士
如此鐘為吏時吳江平思忠亦以吏起家為礼部郎
中遇鐘有恩至是里居鐘教延見執礼甚恭且令二

子給侍曰非无僕隸欲使兒曹知公為吾故人耳思
忠家素貧未嘗緣故誼有所干謁人兩矣之正統六
年秩滿當迁部民二萬餘人走訴巡按御史張文昌
乞再任詔進二秩如民請明年冬卒官吏民聚哭為
立祠鍾之後李從智朱勝相繼知蘄州咸奉勅從事
然不若勅鍾之重勝金華人廉靜精敏下不能欺嘗
曰吏貪吾不多受牒隸貪吾不行杖獄卒貪吾不繫
囚由是公庭清肅民安而化之居七年超迁江西左
布政使

羅以禮

羅以禮桂陽人永興十三年進士由戶部郎中為西
安知府與除利弊得士民心遭喪去任起補紹興再
以喪去代者不稱朕部民追思以禮乞于朝詔起復
視事廉明愷悌有古循吏風雨暘失時祈禱輒應民
益愛之形于歌頌歲滿當遷進秩復任已移知建昌
亦有惠愛歷三郡凡二十七年始致仕

廖謨

卷進 陳軒 陳穀 晏穀 徐文振 劉說 楊禧 姚文

廖謨字文績泰和人永樂十三年進士改庶吉士外
艱歸服闋除知潁上縣有惠愛再遭喪內艱歸起補長
沙時方用師交趾軍馬往來及中官大吏奉使者接
踵其地謨制置適宜下不告病民患帑為害設机穽
捕之不能止謨為禱于神虎遂屏跡士大夫欲頌之
秩滿迂刑部主事為尚書魏源所器荐授福建金事
力持風裁僚屬畏憚奉表詣京道達安撫其令慢已
咎辱之令遂誣奏謨賤市兩具損民大孝士楊榮建
安人也死令貶謨河間府同知至則潔已勤事弭盜

息訟民大悅正統九年知府缺人民數千人走闕下
請即用謨英宗嘉而許之既為知府則政績益茂吏
民戴之无間言駙馬都尉王誼縱家奴奪軍民田肆
暴橫謨劾奏之誼伏罪乃己十三年卒官全時為知
府有聲者扈遲元氏人由鄉卒歷官戶部郎中正統
初出為鳳翔知府政務寬簡與李校課農桑大得民
和九載考最部民乞田詔進二秩復任尋以母憂歸
民思其政乞還遲英宗從之再滿九載軍民官吏條
其善政合詞陳于巡撫耿九疇請再田遲乃進秩從
二品涖府事如故遲身持廉慎才足有為而意主不

擾故上下胥悅又久之始致仕歸陳軒永豐人正統
初由刑部員外郎出知延安為政公敏民戴其德任
滿當遷群乞軒再任詔加陝西右叅政給正三品祿
仍留延安陳陳穀進夫人正統間知成都府有惠政
秩滿遷廣西右叅政去任羗民懷其德乞田詔改叅
政于四川如知成都如故晏穀正統中為池州知府
平易近民、咸戴之秩滿加江西叅政仍知府事居
三年改留雲南布政司徐文振正統中為臨安同知
廉能公正得軍民心知府賴瑛故有政績後謝事去
部民連牒保文振堪代巡按御史廉實以聞帝即命

之景泰初父憂解戢部民群懇于上官乞還文振乃
令起復視事劉說知瑞楊善知慶遠府姚文知袁州
皆正統時九載課最並以部民乞田進秩二苛

楊瓚

楊瓚蠡縣人永樂末進士知趙城縣廉平精敏課績
為山西最超擢鳳陽知府亦有異政正統十年始卒
卓異之典天下知府祇五人瓚與焉晏于礼部賚襲
衣宝鈔而還鳳陽本帝鄉圉初勛臣及諸將家子孫
群萃而處多犯禁令率无名籍可按瓚請勘校立戶
俾出入有稽由是遵始約束先是府州縣李諸生自
廩膳增廣外雖有俊秀不得應鄉試瓚請增廣生不
為額民間子弟可造者有司考取即許充增廣生全
赴鄉試礼部採瓚言請考取附李以補增廣生之缺

自是天下李校咸有附李生由瓚訊始也十四年擢
浙江右布政使葉宗田遺黨陶得二苛為亂瓚與有
討平功景泰二年瓚以湖州諸府官田賦重請均之
民田賦輕者而爰禁詭寄之弊詔即令瓚與鎮守侍
郎孫原貞督之由是田賦稱平久之卒官與瓚仝奉
卓異者王懋修武人由進士知山東海豐縣既卒卓
異超擢西安知府亦有聲葉錫正統時知吳縣卒卓
異受賜還任民有爭產者錫斷_{不勝者}歸他人遂訐錫于朝
將逮繫吳人恐失錫群詣闕言錫清廉仁恕政平訟
理乞田之乃令錫視事如故而抵誣者罪尋用大臣